

FAKAHINOHINO KI HA KAMATA'ANGA VAVE

Ngaahi Taumu'a ki Hono Ako Faka'aho 'o e Folofolá



KO E HĀ 'A E ME'A FO'OU 'I HE TA'U NÍ

Kamata 'i he 'aho 1 Sānuali 2021 kuo pau ke lau 'e he fānau ako semineli ko ia 'oku nau fie-ma'u ha maaka ki he kalasí 'i he tohi folofola ki he kalasí 'o 'oua na'a toe sí'i hifo 'i he peseti 'e 75 'o e tohi folofola ki he kalasí. 'i he ta'u fakaakó. (Vakai, "Scripture Reading Expectations for Course Completion and Graduation" 'i he Tohi Tu'utu'uni). 'E lava 'a e faiakó 'o tokoni ke a'usia 'eni 'e he kau akó 'aki hono poupou'i kinautolu 'i hono fokotu'u mo tauhi 'a e ngaahi taumu'a 'i hono ako faka'aho 'o e folofolá.



KO HONO MAHU'INGA 'O E AKO FOLOFOLA FAKA'AHÓ

Hangē ko ia ne ako'i mai 'e Palesiteni Lāsolo M. Nalesoní: "'I he'etau feinga ke hoko ko e kau ākongá 'a Sīsū Kalaisí, 'oku fie ma'u ke lahi ange e taumu'a 'o 'etau feinga ke fanongo kiate lá. 'Oku fie ma'u ha ngāue 'ilo'i pau mo hokohoko ke fakafonu 'etau mo'ui faka'ahó 'aki 'Ene folofolá, 'Ene ngaahi akonakí, mo 'Ene ngaahi mo'oní. . . 'Oku mātu'aki mahu'inga e femo'u-ekina faka'aho 'i he folofola 'a e 'Otuá ki he'etau mo'ui fakalaumālié 'o tautautefito 'i he ngaahi 'aho ko 'eni 'o e fakautuutu e moveuveú. 'I he'etau keinanga faka'aho he folofola 'a Kalaisí, 'e fakahā mai 'e he folofola 'a Kalaisí e founga ke tau tali 'aki e ngaahi faingata'a na'e 'ikai ke tau lavelave'iloa te tau fehanganhangai mo iá ("Fanongo Kiate Ia," Konifelenisi Lahi 'Epeleli 2020).



TE KE TOKONI'I FĒFĒ 'A HO'O KAU AKÓ

'E lava ke tokoni'i 'e he kau faiakó 'a e kau akó 'aki hono fakatupu ha ngaahi a'usia mahu-'ingamālie pea mo e ngaahi folofolá 'i he kalasi takitaha. 'Oku totonu ke 'oange 'e he faiakó 'i he kamata'anga 'o e teemi takitaha ha taimi ki he kau akó ke fealēlea'aki 'o kau ki hono mahu'inga ko ia hono ako 'o e folofolá pea mo 'ene malava ke tokoni ke nau ofi ange ki honau Fakamo'ui ko Sīsū Kalaisí. 'Oku totonu ke poupou'i 'a e kau akó ke fokotu'u ha'anau ngaahi taumu'a ako folofola faka'aho pē 'anautolu.

'Oku fakahoko 'e he kau faiako ha fatongia mahu'inga 'i hono tokoni'i 'o e kau ako ke lava'i 'enau ngaahi taumu'a ako folofola fakatautaha. 'E lava ke fakahoko 'e he faiakó 'a e fatongia ko 'ení 'i ha ngaahi founga lahi, 'o kau ai 'a e:

- Faka'aonga'i 'a e folofola mo e ngaahi akonaki mei he kau palōfita 'o onopōní ke tokoni ke mahino ki he kau akó 'a hono mahu'inga 'o e ako faka'aho 'o e folofolá ki honau tu'unga fakaākongá pea mo e ului kia Sīsū Kalaisí.
- Tokoni'i 'a e kau akó ke fokotu'u ha ngaahi taumu'a ki hono ako faka'aho 'o e folofolá 'a ia 'oku fe'unga, mahu'ingamālie pea fakafe'unga pē ki he'enua ngaahi fie ma'u mo e ngaahi mea 'oku malavá.
- 'Ilo'i 'a e kau akó pea vakai'i ma'u pē mo kinautolu 'a 'enau ngaahi a'usia 'i he'enua akó.
- 'Oange ma'u pē ha ngaahi faingamālie 'i he kalasí ke fakamo'oni 'a e kau akó fekau'aki mo e me'a 'oku nau ako mo ongo'i fekau'aki mo Sīsū Kalaisi mo 'Ene ongoongoleléi 'i he'enua ako fakatautaha 'a e folofolá.

- Tokoni'i ma'u pē 'a e kau akó ke nau taliui 'aki hono fakatupu ha ngaahi faingamālie ke muimui'i 'enau ako fakataautaha faka'aho 'a e folofolá 'i he polokalama mySeminary pe ha toe fa'ahinga tauhi lekooti kehe.
- Tokoni'i 'a e kau akó 'i ha founga 'okú ne poupou'i kinautolu ke fakakakato hono lau e folofolá 'o kapau 'oku si'i hifo honau māká 'i he peeti 'e 75.



MA'U'ANGA TOKONI 'OKU LAVA 'O MA'U MA'Á E KAU FAIAKÓ

- 'Oku totonu ke ako'i 'a e kau faiako kotoa pē 'e honau taki akó 'o fakafou 'i ha a'usia fakafai-ako pe ha fealēle'aki fakamāhina. 'Oku totonu ke fakahoko ha ngaahi fulihi fakalotofonua ki he ako ko 'ení 'i ha talatalaifale mo e talēkita 'o e fakavahefonuá. 'E lava ke ma'u ha fehokotaki'anga ki he fokotu'utu'u ako 'i heni 'i he [Fehokotaki'angá].
- 'E lava ke ma'u 'a e ngaahi fokotu'u ki hono tokoni'i 'o e kau ako ke lekooti pea muimui'i 'enau lau folofola faka'ahó 'i he polokalama mySeminary 'i he <https://web.microsoftstream.com/channel/8600711f-29ec-40c8-99d2-c1240a7204ec>.
- 'E lava ke fakahoko hano fulihi fakalotofonua 'i he ngaahi feitu'u ko ia 'oku 'ikai lava 'o ma'u ai 'a e polokalama mySeminary.
- 'Oku totonu ke faka'aonga'i 'a e ngaahi tefito'i mo'oni 'oku ma'u 'i he kongá 'o e "Ngāue ke Fakakakató" 'o e tohi tu'utu'uní 'i he taimi 'oku fai ai ha tokoni ki ha tokotaha ako 'oku ma'ulalo hifo e peseti 'o 'ene laukongá 'i he 75. 'E lava ke ma'u ha ngaahi sīpinga 'o e ngāue ke fakakakató 'i he fokotu'utu'u fakalēsoni ako 'a ia kuo 'oatu 'i 'olungá.

